

大清詔令

大清詔令卷之二目錄

太祖武皇帝配祀南郊追尊列祖詔

上孝烈武皇后尊謚詔

攝政王薨逝喪儀詔

親政詔

孝端文皇后升祔詔

追尊攝政王帝號詔

昭聖皇太后上尊號詔

太祖武皇帝配祀南郊追尊

列祖詔

奉

天承運

皇帝詔曰大一統之業禮莫重於配

天通孝思之誠情莫切于尊

祖謹於順治五年十一月朔八日冬至恭祀

天於南郊奉

太祖承天廣運聖德神功肇紀立極仁孝武皇帝配

即於是日推本孝思追尊

太祖以上四世

高祖澤王為

肇祖原皇帝

高祖妣為原皇后

曾祖慶王為

興祖直皇帝

曾祖妣為直皇后

祖昌王為

景祖翼皇帝

祖妣為翼皇帝

考福王為

顯祖宣皇帝

妣為宣皇后，典禮甚隆，覃恩宜廣，特大赦天下，以慰官民，應行事宜條列於後。

一

皇叔父攝政王，治安天下，有大勲勞，宜增加殊禮，以崇功德。及妃世子應得封號院部諸大臣，集議具奏。

一親王郡王貝勒子貝勒子公將軍等，宜優加恩賜，并王妃世子嗣子等，應得封典，該部察議具奏。

一自順治五年十一月初八日昧典以前官吏
兵民人等有犯除謀反叛逆子孫殺祖父母
父母內亂妻妾殺夫告夫奴婢殺家長殺一
家非死罪三人揀生折割人謀殺故殺姦毒
鬻魁毒藥殺人強盜妖言十惡等真犯死罪
不赦外其餘已發覺未發覺已結正未結正
或赦除之有以赦前事相訐告者以其罪罪
之

一藩王及王夫人嗣子等應加恩典該部察議
具奏

一滿洲官員開國以來屢世從征勞績久著該部分別陞敘實授官員一概給與世襲誥命

一滿洲兵丁處處戰攻勞苦該部通行賞賚

一自元年以來各地方歸順有功文武官員人等除已敘外凡未經敘錄者將歸順來歷及歸後來勞績該部察明敘陞給與世襲誥封勅命

一在京在外衙所原設有世職官員管攝今以新舊有功官員設立給與世襲誥封

一在京文武官聽各衙門掌印官確察分別陞

賞

一內外滿漢官員一品封贈三代三品以上封贈二代七品以上封贈一代八九品止封本身俱給與應得誥勅三品以上廢一子入監讀書

一內外武職官員照例給與誥封應加恩廢該部察例議奏

一凡武職各官俱准實授

一順治六年會試照丙戌科額取中進士四百名

一 派徵錢糧俱照萬曆年間則例。其天啟崇禎
年加增、盡行蠲免、通行已久。如有貪官污吏
例外私派、多征擾民者、該撫按官糾叅重處。
一 地方災傷已經察勘、即與蠲免。有司官不得
仍行派征、及冒免有力之家、致窮民不霑實
惠。

一 我朝定鼎以來、恩詔有免荒地有免水旱災
傷有免民間額賦、不應再有拖欠、或輸納已
完、地方官別項支用、或侵入私囊、以致小民
虛受拖欠之名。撫按官確察其州縣額征若

下已完若干未完若干果係百姓拖欠自元
年以至三年悉與蠲免

一各關抽稅俱照萬曆年間舊例其天啟崇禎
年間加額際免一半不得踵習明季陋規分
外多抽及多設委官巡柵以察稅為名肆行
科擾

一漕白二糧照舊征收本色除三四兩年運官
掛欠久遠未完俱准豁免外其五年運到四
年漕白二糧掛欠數多明係侵盜但照教道
比還官俱免擬罪

一各處本色錢糧除額料黃白蠟仍辦本色外其餘准解折色一半

一省直押解錢糧官吏有違次被劫見在追比者准與豁免

一園丈地土分給滿洲耕種其被圍之家或園去未補或原地錢糧未除即與豁免或新補之地較原地瘠薄不堪者俱照新地等則納糧

一滿洲園過地內道路溝壑廟宇房基皆係今一概除去不算則原額必虧錢糧何出俱看

一 禮清祭器免

一 倉庫錢糧收支各有款項數目有額外多支及盤量短少者俱免追賠并免科罪

一 勢豪舉放私債私上加利不數年輒至數倍甚至傾家蕩產不能償還以後止許照律每兩三分行利即止十年不過照本算利有例外多索者依律治罪

一 各處無主荒地該地方官察明呈報撫按再加察勘果無虛捏即與題免錢糧其地仍招民開墾

一北城及中東面三城居住官民商賈遷移南城雖原房聽其折價按房領給銀兩然舍其故居別尋棲止情殊可念有地土者准免賦稅一半無地土者准免丁銀一半

一軍民七十以上許一子侍養免其雜派差徭八十以上者給與絹一疋綿一觔米一石肉十觔九十以上者倍之

一各處養濟院收養鰥寡孤獨及殘廢無告之人有司留心舉行月糧依時給發無致失所應用錢糧察照舊例在京於戶部在外於存

留項下動支

一凡係大貪罪至應死者止免死贓仍照逾水
不叙用

一凡係見在議革議降及住俸戴罪并內外衙
門提問完擬者盡與豁免

一各官已經住俸罰俸戴罪者俱免

一各省順治五年鄉試副榜准貢

一各該地方儒學生員每學校貢一名即用順
治五年科舉首卷送部廷試如首卷中式或
事故以次優卷挨補不許越次

一所在孝子順孫義夫節婦自順治元年以後
曾經各該巡按御史奏聞者仍行該撫再為
核定母事泛濫造冊報部以俟具奏旌表

一遠省未附地方文武各官及鄉紳士民投誠
歸順者以前負固之罪通與赦免察其功之
大小各與陞賞

一盜賊多因饑寒失業詔書到日雖係首惡若
能率黨投首率免其罪女姦入伍民姦入籍
俟其得所方擬差徭有能擒捕首惡及黨內
首告者論功授官給賞如有因其投首乘機

邀執希圖功賞者治以重罪

一各處土司原當世守地方不得輕聽叛逆招誘自外自王化凡未經歸順今來投誠者開具原管地方部落准與照舊嚴封有擒執叛逆來獻者仍厚加陞賞

一已歸順土司官曾立功績及未經受職者該督撫按官通察具奏論功陞授

一滿洲故前逃人如在順治六年八月以前自歸者匿主隣佑官長人等一槩免議九月初一日以後者不免若在限定日期之內被人

告發或失主認識者仍照旧治罪

一內外問刑衙門凡滿漢官員犯各項罪名應
鞭責應板責者以後俱依律納贖免責

一應追贖私祭果產業俱盡力不能完者聚與
豁免毋得株連親族

以上諸款凡內外各衙門官俱當實心遵行刻
期各該地方即將詔刊刻張掛於各小村庄務
使人民盡行翻免款件如有怠玩壅蔽在內都
察院科道在外督撫按官指奉定以違旨論官
民人等果有不得沾實惠者許據寔奏聞通政

司即與封進如虛治以欺班重治

於戲詔百王之鉅典合萬國之歡心欲禮備而樂和務化行而俗美布告天下咸使知聞

順治五年十一月十一日

上

孝烈武皇后尊謚詔

奉

天承運

皇帝詔曰、敝音端範、飭內治於當年、壺則貽厥、協

鴻名於萬禩、典章具在、孝享宜崇、欽惟

皇祖妣皇后光贊

太祖成開闢之豐功、默佑

先王、撥繆承之大業、篤生

皇父攝政王、性成聖哲、扶翊眇躬、臨御萬方、邈

重闡之厚德救寧兆姓遵

景宣之道謀

慶澤洪被於後昆禮制必隆於

廟祀仰承先志俯順輿情於順治七年七月二十六

日祇告

天地

宗廟

社稷率諸王貝勒文武羣臣恭奉

冊寶上

尊謚曰

孝烈恭敏獻哲人和贊天儂聖武皇后祔享

太廟典禮既隆覃恩宜普特赦天下以廣鴻慈應行

事宜條列於後

一親王郡王貝勒貝子公等宜加恩錫

一外藩親王郡王貝勒貝子公等宜加恩錫

一在京滿漢文武官員三品以上宜加恩錫

一官吏兵民人等有犯除謀反叛逆子孫殺祖

父母父母內亂妻妾殺夫告夫奴婢殺家長

殺一家非死罪三人採生折割人謀殺故殺

真正人命、盛毒斃魁毒藥殺人、強盜妖言十

惡等真正死罪不赦外其餘自順治七年七月二十六日昧爽以前已發覺未發覺已結正未結正或赦除之有以赦前事相告者以其罪罪之

一凡貪官罪應至死止免死罪。贓仍照追。永不敘用。

一凡係現在議革議降議罪及住俸戴罪併內外各衙門完擬者盡與豁免

一各官已經罰俸住俸戴罪者俱免

一凡應追贓私。察果家產盡絕。力不能完者槩

與豁免毋得株連親族

一起解錢糧中途盜劫者察果報明地方事有的據即與除豁免其賠補

一倉庫錢糧收支原有數目有並量短少多支多放者照舊追賠免其治罪

一駐防官兵地方圍住民間房屋察被圍之家除已經蠲免其未經蠲免地方准免額賦一半

一民間拖欠錢糧前次詔書已免元二三年今再免四年二年其已徵在官者仍速解部不

得籍口民久侵漁

一遠省未附文武各官及鄉紳士民如誠心歸順以前負固之罪通與赦免其帶有兵馬城池者察其功之大小各與陞賞

一已歸順土司官見有立功者及未經授職者督撫通察具奏論功陞賞

一天下土司原當世守地方不得輕聽叛逆自外王化如各來投誠開其原管地方部落准與照旧報封有赦其糾合叛逆來獻者仍厚加陞賞

一新附地方民人有被賊黨挾制不敢來歸者
今若傾心投順悉免死歸業以遂其生成

一土司有自縛渠魁率眾投誠者脅從悉赦其
首事之人仍論功

一天下騷擾煩勞民力難支凡乘傳員役一切
應付事宜通行酌減仍嚴覈騷擾以慰百姓
於戲馨薦明裡報

慈仁於有永宣昭

懿範著

聖善於無疆式古訓行彰茲懿美布告天下咸使聞

知

順治七年八月

初十

日

攝政王薨逝喪儀詔

奉

天承運

皇帝詔曰昔

太宗文皇帝升遐之時諸王羣臣擁戴

皇父攝政王戒

皇父攝政王堅持相讓扶立朕躬又平定中原混一
天下至德豐功千古無兩不幸於順治七年十
二月初九日戌時以疾上賓朕心摧痛率土銜
哀中外喪儀合依帝式凡應行事宜開列於後

一在京文武官員以成服之日為始孝服二十七日而除

一在京聽選選官及舉監生員等帽插紅纓腰繫白帶二十七日而除民間帽插紅纓腰繫白帶十三日而除僧道腰繫白帶十三日而除

一自開喪日為始在京屠宰十三日

一藩王及在外文武官以詔到之日為始帽插紅纓跪聽宣讀訖舉哀行三跪九叩頭禮置白布滿袍腰帶就本衙門闕設香案朝夕哭臨三日以成服之日為始二十七日而除民

民間帽插紅纓腰繫白帶十三日而除

一在京在外音樂嫁娶官員停百日民間停一月

於戲恩義兼隆莫報如天之德榮哀備至式符
薄海之心布告多方咸宜知悉

順治七年十二月

二十

日

親政詔

奉

天承運

皇帝詔曰朕得以冲齡即位削平寇亂垂衣端拱
統一多方皆

皇父攝政王之功也朕今躬親大政總理萬幾深思
天地

祖宗付託甚重海內臣庶望治方殷自惟涼德夙夜
祇懼天下至大政務至繁非朕躬所能獨理分
猷宣力內賴諸王日勤大臣內三院六部都察

院理藩院卿寺等衙門外賴諸藩王貝勒等及
各大臣併督撫司道府州縣衛等衙門提督鎮
守將領等官一應滿漢內外文武大小官員皆
有政事兵民之責務各殫忠盡職潔己愛人任
怨任勞不得推避天下利弊必以上聞朝廷恩
意期於下究庶政舉民安彙臻平治凡我民人
宜仰體朕心務本興行樂業安生共享泰寧之
慶合行恩赦事宜條列於後

一在京諸生以下至六品官員以上俱加恩賜
一在外諸王以下至公等以上俱加恩賜

一內外滿漢官員一品封贈三代二品三品封贈二代七品以上封贈一代八九品止封本身已載前詔後陞補官員遇此詔者照現任官品亦如前詔封贈該部作違舉行

一官吏兵民人等有犯除謀反叛逆子孫殺祖父母父母內亂妻妾殺夫告夫奴婢殺家長殺一家非死罪三人採生折割人謀殺故殺真正人命並毒斃魅毒藥殺人強盜妖言十惡等真正死罪不赦隱匿逃人照例治罪外其餘自順治八年正月十二日昧爽以前已

發覺未發覺已結正未結正成赦除之有以
赦前事相告許者以其罪罪之

一凡文武官員見在議革議降議罰及住俸戴
罪并勅督撫提問究擬者盡與豁免

一各省萬曆年間加派地畝錢糧八年一年准
免三分之一

一畿輔地方原未加派萬曆年間加增地畝錢
糧其人丁條銀各州縣派徵等則不一八年
一年上三則免四分之一中三則免三分之
一下三則全免

一五嶽四清等祀應遣官致祭者照舊例舉行

一文官在京四品以上、在外三品以上、武官在京在外二品以上者送一子入監讀書

一國子監監生免坐監一月、已撥廩者免廩事一月

一順治八年鄉試中式舉人、大有加十五名、中省加十名、小省加五名、九年會試中進士四百名

一各省直儒學思貢一名、以正貢作思貢、次貢作成貢

一有負固不服，潛據山海者，如能悉眾來歸，悉赦已往，仍量功陞賞。

一有因叛逆干連，原係無辜者，該督撫審明，即為具題釋放。

一附近賊巢居民，原未從賊，有司將領一暨混捕糧殺者，督撫察實，奏處。

一各處盜賊，或為饑寒所累，或為貪官所逼，實有可憫，如有改過就撫者，准赦其罪。

一奸民訛詐，動以謀叛通賊，告害良民，此等如有越境妄告者，該督撫即行嚴拏究審，情虛。

反笑以安良善

一凡貪官罪應至死與不應至死者俱免罪革職。賍仍照追永不敘用。

一凡應追賍私。案累家產盡絕。力不能完者。與豁免。毋得株連親族。

於戲。政在養民。敢虛

天地生成之德。時嘗親政。恒念

祖宗愛育之仁。詔諭臣民。咸宜知悉。

順治八年正月

十二

日

孝端文皇后升祔詔

奉

天承運

皇帝詔曰、內則光前、行克兼於慈孝、鴻名裕後、禮莫大於尊親、稽古追崇、昭茲布告、欽惟我

皇妣皇后、承乾正位、體順居貞、光輔

太宗、式擴開成之烈、祐翼冲子、宏貽啟迪之恩、遺訓如存、追思罔極、仰邀

徽音之嗣、琬琰生光、允宜

顯號之隆、苾芬同薦、恪遵成憲、丕協輿情、祇告

天地

宗廟

社稷率諸王貝勒文武羣臣恭奉

冊寶上尊謚曰

孝端正敬仁懿莊敏輔天協聖文皇后於順治八年

正月十九日升祔

太廟

於戲至哉坤元永表記

天之德渙斯

大號式孚率土之心布告天下咸使知聞

順治八年正月

二十二

日

追尊攝政王帝號詔

奉

天承運

皇帝詔曰、有至德斯享鴻名、成大功宜膺昭報、

皇父攝政王、當朕躬嗣復之始、謙讓彌充、迨王師滅
賊之時、勲猷懋著、開興國圓為一統、攝大政者七
年、偉烈居以小心、厚澤流於奕世、未隆尊號、深
歎朕懷、謹於順治七年十二月二十五日、祇告

天地

宗廟

社稷

追尊為

懿德修道廣業定功安民立政誠敬義皇帝廟號成
宗并追尊

義皇帝元妃為

敬孝忠恭靜簡慈惠助德佐道義皇后同祔

廟饗既舉或儀應覃恩故合行事宜條列於後
錄奉停敬故不復錄

於戲聲名洋溢昭令德以如存禮祀攸存
情而允協布告天下咸使聞知

順治八年正月二十二日

昭聖皇太右上尊號詔

奉

天承運

皇帝詔曰帝王統御寰區撫綏億兆莫不正名彰德致隆於所生乃仁孝之至情尊養之至憲也
欽惟我

聖母翼贊

皇考勤修內則克諧宮壺以節于家邦誕育眇躬劬勞啟迪續承鴻緒混一多方撥厥本源實惟

慈庇王公臣庶咸謂宜崇上

尊玩兼晉

徽稱以孚中外之心協古今之禮察茲公議允協朕
衷謹告

天地

宗廟

社稷於順治八年二月初十日率諸王貝勒文武羣
臣恭奉

冊寶上尊號曰

昭聖慈壽皇太后隆儀脩舉愷澤覃敷所有恩卹事

宜條列于後

一和碩親王以下宗室三等愛惜喇喇章京以上宜厚加恩賜

一外藩諸王以下固山額真精奇尼哈番以上各加恩賜

一內外自公主以下至格格以上各加恩賜

一滿洲及在內蒙古舊烏京綽哈公爵以下拖沙喇哈番以上并襲職幼官隨朝以上者各陞一級內有從前以來行間著勞已久及著供職有年各官應破格分別陞授

一先經頒給誥命各官今遇恩詔陞授者於誥

命內准撰世襲固替、舊烏金綽哈、阿達哈、哈
者、滿洲拜他喇布勒哈者、今遇恩詔、亦准進
給誥命、茲詔以後、已領誥命者、如再膺實職、
不載入誥命之內、另行換給勅書、白身任梅
勒章京、白身任甲喇章京、滿洲蒙古、白身任
牛錄章京、烏金綽、白身任侍郎、白身任內院
學士、白身任理事、白身任尼哈啟心郎、白身
任副理、白身任紀庫以上、應陞該一級。

一在京文武官、五品以上、各加一級。

一在京官員九品以上、厚加恩賜。

一各省鎮總督巡撫併總兵官各加恩賜

一地方人材果誠實有德山林隱逸之士著該撫

核實具奏酌與錄用

一各有人丁徭銀派徵不齊八年一年曾免九

則者上三則免七分之一中三則免五分之

一、下三則免三分之一不分等則者三錢以

上免一半三錢以下全免裁補除前詔免過

外再照各省一例蠲免

一歷代帝王陵寢先師孔子闕里應遣官致祭

者照舊例舉行

一各處滿漢兵丁分馬步戰守各加賞賚

一滿漢孝子順孫義夫節婦該管官細加察訪
確具事實勘結奏聞禮核實以憑旌表

一自順治元年起至八年二月十一日昧典以前凡衝所充軍人犯不論永遠終身悉與赦免回籍督撫仍將赦過人數具冊報部

一營中倒斃馬匹有按年責賠之例自順治八年二月十一日以前未賠者悉與蠲免

一各營兵丁征戰勞苦如月餉有欠者該督速

為補給

一征調別省兵丁深為可憫其家口坐糧照例
給發務令得沾實惠

一朝鮮歲額進貢各省棉紬五百疋棉布五千
疋以後永免棉紬一百疋棉布六百疋

於戲立愛惟親孝思不愧惟我

聖母丕隆名壽於萬斯年王公臣庶皆茲大慶其各
祇乃身裕乃心勤乃事敬迓

天庥以共臻於邠理布告天下咸使聞知

順治八年二月 十一 日

大清詔令卷之三目錄

罷撤攝政王追封廟享詔

冊立皇后詔

大婚加上皇太后尊號詔

冊立皇后詔

冊立中宮加上皇太后尊號詔

地震修省詔

乾清坤寧等宮告成臨御詔

冊封皇后詔

罷撤攝政王追封廟享詔

奉

天承運

皇帝詔曰、鄭親王、吳親王、瑞重親王、敬謹親王、侍衛大臣、合辭奏言、

太宗文皇帝賓天時、諸王貝勒大臣等同心堅持、舍死盟誓、扶立皇上、彼時臣等竝無欲立攝政王之議、惟伊弟豫親王、唆調勸進、彼時皇上尚在幼冲、曾將朝政付伊與鄭親王共理、逮後獨專威權、不令鄭親王預政、遂以親弟豫郡王為攝

輔政王背誓肆行自稱為皇父攝政王以扶立
皇上之功盡為己有又將

太宗文皇帝素日恩養諸王大臣官兵人等為我皇
上指鹿竭力攻城破敵剿滅賊寇之功不歸朝
廷全為己功其儀仗音樂侍衛之人俱與皇上
同蓋造府第亦與皇上宮殿無異府庫之財任
意靡費織造緞疋庫貯銀兩珍寶不與皇上伊
禮自用又將皇上侍臣宜而登陳泰一族又所
屬牛录人等剛林一族把爾達七一族盡收入
自己旗下又親列皇宮內院以為

太宗文皇帝之位原係奪立以挾制皇上侍臣又吹
毛求疵逼死肅親王運納其妃將官兵戶口財
產等項既與皇上旋復收回以自厚其力又欲
皇上侍臣厄而充反責歸己差吳拜勞什剛林
祁克格封以候爵因反責不從復罷罷封又差
勞什傳言誘皇上侍臣什諾什庫云我疼你你
可知道麼凡一切政事及批票本章不用皇上
之旨專用皇父攝政王旨又悖禮入生母於
太廟凡伊嘉悅之人不應官者濫陞又將伊妻自行
追封又不令諸王貝勒貝子公等同候皇上竟

以朝廷自居。令其日候府前。昨伊之近侍額克沁吳拜連拜勞什鉢羅會口稱亡主遺言。欲亂國政。被端重親王敬謹親王暨侍衛大臣等公同首出。遂將勞什鉢羅會正法。額克沁吳拜連拜從重治罪。訖以此思之。頗有篡位之心。臣等俱畏威吞聲。不敢出言。此等情形。皇上不知。今冒死奏聞。今以伊功大。祔享。

太廟。這本內一應釋垂鑒之事。皆臣等畏釋隨唯諾之故。以致如此。伏願皇上重加處治。撤伊母子廟享。朕隨命在朝大臣詳細會議。衆口僉同。反覆詳

思諸王大臣，豈有虛言不係伊之近侍蘇沙哈
占代木凡勒首言伊主在日私造帝服藏匿御
用諸寶，曾同何羅會吳拜達拜羅會商議欲背
皇上，帶伊西固山移住永平府，又首言何羅位
曾遇舊主肅親王子罵云該死的鬼種等語，朕
聞之，即令諸王大臣詳細審問，逐件皆實，據此
事蹟，看來謀篡之事果真，謹告

天地

宗廟

社稷將伊母子併妻罷追封撤

廟享停其息教布告天下咸使知聞

順治八年二月

二十二

日

冊立

皇后詔

奉

天承運

皇帝詔曰朕惟聖化始於二南作配協鳳鳴之感
天庥垂於萬世于歸廣麟祉之祥正位中宮勤宣風
教朕續承鴻緒祇荷遠基慎擇淑儀覃延後嗣

通者

昭聖慈壽皇太后特簡內德用式宮闈仰遵

睿慈昭告

天地

宗廟於順治八年八月十三日冊立廓見沁國招變
免親王之女為皇后貞順永昭奉尊養之令典
致恭匪懈應

天地之隆施爰合德於陰陽期錫類於仁孝詔告天
下咸使聞知

順治八年八月 十三 日

大婚加上

皇太后尊號詔

奉

天承運

皇帝詔曰朕惟帝王孝治天下尊養隆備鴻章顯
號因事有功乃人子之至情古今之通義也朕
丕承大命奄有萬_有禋厥所由實承

懿訓主於有成茲為朕慎擇淑配端範宮闈嘉禮之
始深惟

聖母洪慈靡極是以恭稽典禮合布歡心謹告

天地

宗廟

社稷於順治八年八月二十日率諸王日勒文武羣

臣恭奉

冊寶加上

聖母昭聖慈壽皇太后尊號曰

昭聖慈壽恭簡皇太后允協慈情軍教惶澤所有恩

宥事宜條於列於左

一和碩親王以下宗室三竿愛惜喇喇章京以

上應加恩賜

一外藩諸王各加恩賜

一內外自公主以下至格格各加恩賜

一滿洲及在內蒙古舊烏金綽哈公爵以下。拖沙喇哈番以上。并職幼官隨朝以上者。應各陞一級。先給頒發給誥命各官。今遇恩詔陞授者。於誥命准撰世襲。因舊烏金綽哈阿達哈哈番滿洲拜他喇布勒哈番。今遇恩詔亦准撰給誥命。茲詔以後已領誥命者。如再膺實職。不載入誥命之內。另撰給勅書。

一內外滿漢官員一品至九品。已奉恩詔。議給

誥勅外其未達恩詔各官一體遵行俱依見
授職銜照例給典應得誥命京官三品以上
仍各廢一子入監請書

一在京六品官員以者不與加級者各加恩
賜

一官吏兵民人等有犯除謀反叛逆子孫謀殺
祖父母父母內亂妻妾殺夫告夫奴婢殺家
長殺一家非死罪三人株生折剝人謀殺故
殺真正人命、盡毒斃、毒藥殺人、強盜故言
十惡等真正死罪不赦、又隱匿滿人照例治

罪貪官赦罪、已發覺未發覺、已結正未結正、罪應至死者、不赦外、其餘自順治八年八月二十日昧爽以前、已發覺未發覺、已結正未結正、咸赦除之、有以赦前事相告訐者、以其罪罪之。

一凡貪官罪不至死者、免罪追革、免職永不叙用。

一見在議革議降議罰及住俸戴罪各官俱免議。

一滿洲蒙古烏金超哈隨征披甲兵丁出力攻

戰三十餘年嘗有立功三四次不得論陞者
今天下一統不事征戰恐終身亦不得敘陞
該部於各旗下察明有如此類准陞授

一自順治元年以來曾經任用已革職官除大
計貪賍及居官不職以至失守城池外若有
事係冤枉被革果有才力堪用者在京聽該
衙門在外聽該督撫按察使詳開緣由保奏
一滿洲兵丁各處征剿對陣傷損成患未經給
賞者該部照例速行賞給

一在內滿洲蒙古烏金綽哈或有窮兵無力備

馬者該部查明購給以資貧乏

一天下驛道苦累凡乘傳員後詳監行騷擾者前有論者音著該督撫按飛章奏未見遵行除已往不究外以後各該督撫按如仍前容隱即以悖旨論罪

一山陝海隅尚在梗化者果如革心投誠悉赦前罪如以兵馬城池來歸者仍查其功之大小准分別陞賞

一各處土寇有脅從悔禍縛獻渠魁及賊首翻然向化率眾來投者前歸均准赦免仍子論

功

一凡土賊投順該督撫即與安插遣之歸農其
有一項豪強奸民甘冒賊投順徑同已撫真
賊爭占產業多端誣害有司碍不敢問除從
前濫為收用者免究外以後該督撫按覈查
糾恭毋得諉卸務期良民獲安

一地方人材果有品行著聞及才學優長者著
該督撫覈實具奏仍聽吏部考覈酌用

一順治五年以前民間拖欠錢糧悉與蠲免
一倉庫錢糧或因交盤短少見在追賠家產罄

盡不能賄補者查實豁免

一大小武官不許擅受民詞及縱令兵丁強買市物該督撫按須嚴行查禁以甦小民

一各處解運錢糧途次遇賊劫奪者查實豁免

一各省先加城工錢糧准抵八年正額內在恩

詔未到以前先征八年在官者俱各照數進

運仍取花戶領狀繳撫按查攷其有已解各

部院者并發該司府給領不得重累小民

一臨清燒造苦累小民并漕船帶運已行停止

其造過埕片已費工本民船長短載帶瓶納

價俱准一體豁免

一江南浙江福建江西山東等處題派綾紗紙張及三色榜紙龍漚紙價姑念地方初定通免三分之一仍分三運起解

一漕船缺額已動輕齎銀兩責令運官自雇不得重派地訟又掣民船以魁苦累

一凡因追賍私查果家產盡絕力不能完者稟予豁免毋得株連親族

一凡失落之物及被盜賍物如本主認明原物給主免究收盜之罪

一京城內外有緣寡孤擲窮苦無依者該部院
著五城御史兵馬司宛大二縣查實名數酌
量周卹其順天八府及各省府州縣衛所舊
有養濟院皆有額設米糧該部通行設立給
養該道府官從定特察俾沾實惠

一園子監監生免坐監二個月已發歷者免歷
二個月

一各省直儒學貢生該地方官核實申提學官
於學田內動支銀米賑給

一在京各衙門官在任年久父母年老未能歸

四考三
省許堂印官據實具奏給假有親者仍來供職

一滿洲蒙古烏金綽哈舉人於順治九年會試原額六十名今加額二十五名

於戲正家及國愛親達民惟我

聖母保佑申重克臻顯赫凡我臣子宜敬承

天庥祝宣萬年以底於太平布告中外咸使聞知

順治八年八月

二十一

日

冊立

皇后詔

奉

天承運

皇帝詔曰帝王膺

天顯命、洪敷化理、必肇自宮闈、乃達家國、以託於萬
方、即躬脩令德、煇資內助、弼成雍穆、故慎簡厥
始、用介有終、所以承

宗廟、敦孝養、崇化源、茂本文也、朕祇續鴻緒、萬敬矣

倫

聖母昭聖慈壽恭簡皇太后深維內治期遠懿淑以
表朕躬必得賢媛乃正中宮而俾儀天下茲欽
遵

慈命度告

天地

祖宗於順治十一年六月十六日冊立廓見沁國鎮
國公綽爾吉之女博爾吉金氏為皇后惟朕躬
暨后克迪厥德邦其^永孚於休用結徽莪

聖善通睦宮庭乃錫祉於爾多方丕協熙治布告天
下咸使聞知

順治十一年六月十八日

下

八

冊立中宮加上

皇太后尊號詔

奉

天承運

皇帝詔曰。在昔成周。閉門敦睦。治化翔洽。祈天永命。以克昌厥世。皆文母之德。朕以涼薄。續承

祖宗丕緒。統御海內。賴我

聖母昭聖慈壽恭簡皇太后。恩勤訓迪。是訓是行。十有一年於茲矣。深惟風教之源。始放宮壺。遠求淑德。作配朕躬。嘉禮既成。

慈徽益著宜晉尊崇弘敷昭

聖善謹涓順治十一年六月十一日之吉祇告

天地

太廟

社稷率諸王貝勒文武羣臣恭奉

冊寶加上

聖母徽統曰

昭聖慈壽恭簡安懿皇太后名壽克全於大德尊親

覃慶於多方所有恩赦事宜條例於後

一和碩親王以下奉恩將軍以上俱加恩賜

一公主以下固山格格以上俱加恩賜無俸宗
女酌加恩賜

一在外藩王以下公以上俱加恩賜

一在京滿洲蒙古烏金超哈異姓公以下七品
官以上俱加恩賜

一在京文武漢官五品以上俱加恩賜

一山林隱逸之士果有懷才抱德通過治體者
該督撫覈實舉薦朕親加試用

一自順治十一年六月二十二日昧爽以前凡
官吏兵民人等有犯除謀反叛逆子孫謀殺

祖父母父母、內亂、妻妾殺夫、告夫、奴婢殺家長、殺一家非死罪三人、操生折割人謀殺、故殺、盡毒殺人、毒藥、魘魅、強盜、妖言、十惡等真正死罪不赦外、其隱匿逃人、其貪官衙索受賍、監守自盜、領運官侵盜漕糧、弄順治九年十一月二十三日、在衛州府學賊有罪諸人、亦在不赦、其餘罪無大小、已發覺、未發覺、已結正、未結正、咸赦除之、有以赦前事相告許者、即以其罪罪之、

一內外文武官員、除大計處分、城池失守外、有

因公事誥誤革職降級罰俸戴罪住俸等項併現在議革議降議罰者各衙門志與奏聞寬宥。

一順治六七兩年地畝人丁本折錢糧果係拖欠在民者悉與豁免其已徵在官者不得借口民欠侵隱

一會典萬制各府州縣俱有預備四倉及義倉社會籌法每歲積貯多者萬餘石少者數千石各有倉貯俱以數百萬計故民有所恃荒歉無虞今責成各地方該道專管稽察整積

殺多寡分別議奏以定該道功罪

一大兵經過喂馬地方供運草豆運價等項以後均作正項錢糧銷算如官胥通同措勒侵冒該督撫即行糾參隱徇者一體重處

一滿洲烏金超哈酌量給賞

一貧民失業流離各地方官有能賑卹全活五百人以上者核實准予紀錄千人以上者即與題請加級其有鄉官富民尚義出粟全活貧民百人以上者該地方官核實具奏分別旌獎

一東南財賦之地素稱沃壤連年水旱為災民生重困皆因失修水利致誤農功該督撫素成地方官意心講求疏通水道修築隄防以時蓄洩俾水旱無虞民安樂利

一頻年治河旋塞旋決夫役埽料民累不堪或有司借端加派或濫用委官侵冒詐索該督撫嚴加清釐禁戢仍須講求長策刻期竣工勿得延緩滋害

一近來司府州縣徵收錢糧天平法馬太重多加火耗民受困苦著該督撫司道等官嚴飭

有司務要遵依較定法馬不許私自增加仍不時察察指名恭奏併上司差役催提橫加需索凌逼下司着嚴行禁戢督撫各官不自覺察者一併治罪

一各地方差役繁重有豪紳劣衿銜胥積蠹或本身田連阡陌規非免差徭或包攬他人田地徂丁代為規避偏累窮民莫此為甚該督撫行各地方官秉公嚴察如有此等弊情重加懲處

一直隸各省徵收錢糧俱照萬曆年間則例久

已通行如州縣官有將天啟崇禎年間濫加錢糧仍行徵派者該督撫糾叅重處

一白糧民解累民官解仍以累民今後於該省漕糧船分帶以紓官民之累應行事宜該撫作速議奏

一漕船缺額已准動輕費銀兩責令運官自雇如有重派地畝擅擊民船者省司運官俱聽該督撫究叅重處

一關稅已經定額差去官員不許分外勒索擾害商民其地方民事一舉不許干預違者併

治

一錢糧私派欺隱等弊俱由積惡吏書事中同衙
內主文誘官作弊害民索國今後該督撫糾
叅有司錢糧款件必將經承吏書在惡主文
列名並効如款內不及吏書主文者該督撫
以徇縱論各布政司仍將司府州縣一應經
承錢糧吏書每年造冊二次報部若冊內無
名濫管錢糧者許諸人告發司府州縣一體
重治

一饑民有願赴遠東就食耕種者山海關章京

不得欄阻所在章京及府州縣官隨民願往
虐所撥與田地的給種糧安插撫養毋致失
所仍將救過人教開造報部奏聞

一兵火之後田土荒蕪須命民盡力開墾不許
豪強占隱使窮民失業違者重懲有司不行
覺察以溺職論

一運糧官丁行月糧各地方本折不等多有偏
枯之弊著漕督通查確酌具奏務期本折均
平以贖疲丁

一順治十一年鄉試順天舉人加十名大省加

舉人七名、中有加舉人五名、小省加舉人二名、滿洲烏金超哈加各舉人十名、蒙古加舉人五名、十二年會試加進士五十名、滿洲烏金超哈各加進士十名、蒙古加進士五名

一鄉試中式武舉、大有加六名、中有加四名、小省加二名、會試進士加二十名。

一直隸各省儒學、俱於廩生內通行考試、慎加選擇、務取經書策論學問兼優者、拔貢一名、送部廷試。

一國子監監生、見今生監者、免生監一個月。

一滿洲兵丁披甲隨征多年効力被傷不能披甲及年老有疾遲後者酌量給賞

一滿洲兵丁各處征剿對陣傷損未經給賞者

速給

一鑾儀衛折射象軍服役有年酌加膏養

一土賊嘯聚或因饑饉所逼或為貪官虐害殊為可憫如果能改悔前愆自行投首悉免其罪

一有賊地方官民人等厭苦賊惡慕義來歸者地方官即行優養務令得所來歸官員即行

酌用

一各省設兵處所幾糧務要以時支放不許有
司壓欠本營將領侵尅如有此等情弊該督
撫即行糾參

一省會設兵處所有等奸民假冒投充濶入營
內夥告夥証拖累小民甚有借通賊為名抄
掠殷實尤為大害該固山額真督撫鎮將嚴
行約束務絕弊端如有徇隱不舉一體從罪
處治

一設兵原以為民近來兵之所處肆害無窮或

放馬傷禾砍伐桑麻折毀廬舍甚至城市劫掠公為大盜各弁毫無約束故縱分肥大千法紀該督撫申飭管兵官務嚴紀律毋得再蹈前轍如有這等大害不行糾劾事發一併究罪

一凡應進入官錢糧如果家產盡絕該督撫查確題請豁免不許株連親族

一有因叛逆干連者該督撫審明實係冤枉即為具題釋放

一各省城垣傾圮橋梁毀壞地方官能設法修

晉不致累民者該督撫具題即具題即興叙
錄用

一黃河金龍四大王河神分水龍王應遣官致
祭

一詔內各款各該地方官俱要定心奉行務使
恩澤及民方不負朕憫念元元至意如沿聚
故套徒以虛文塞責該督撫不能覺察糾叅
著部院科道一并糾叅重處

於戲允協九疇而茂祉萬年膺萬祐之祥聚大
順以怡親四海沛濟旁澤澤之流詔告中外咸使知

聞

順治十一年六月

二十二

日

地震修省詔

奉

天承運

皇帝詔曰朕躬膺

天命續承

祖宗鴻緒統御天下十有一年兢兢業業日務圖治
而治未臻日務安民而民生未遂疆圉圖多故征
調甚煩水旱頻仍流離載道中外之數稼成習
朝廷之膏澤弗宣法蔽民窮于和召戾

天心未格地震屢聞皆朕不德之所致也朕以眇躬

托於王公臣庶之上政教不循救世無術一夫
不獲咎在朕躬而內外章奏文移動輒稱聖是
重朕之不德也何以自安從今以後痛加修省
一意安民大小臣工各宜洗心改行恪修職業
助朕挽回災變保愛黎元凡章奏文移俱不得
稱聖以昭朕乾惕之意念小民無知罹罪或章
達或寃誣沉滯深可憫惻順治十一年十一月
十六日昧爽以前凡官吏兵民人等有犯除謀
反叛逆子孫謀殺祖父母父母內亂妻妾殺夫
告夫奴婢殺家長殺一家非死罪三人株生折

割人盡毒斃怨毒藥殺人強盜故言十惡等真
正死罪及監守自盜壞法受賍使盜漕糧不救
外其餘罪無大小已發覺未發覺已結正未結
正咸赦除之有以故事前告事訐者不許理問即
以其罪罪之隱匿滿洲逃人在頒詔之日以前
見在審理未結者悉與赦免赦後仍照例處
治其内外文武官員除貪酷害民及大計處分
城池失守不赦外其餘見在議率率議降議罪者
各衙門悉與奏聞寬宥於戲恩不可恃赦不可
頻此赦之後赦不輕頒官民人等體朕之意速

圍省改母得視為泛常再有犯者必從憲典布
告中外咸使聞知

順治十一年十一月十六日

乾清坤寧等宮告成臨御詔

奉

天承運

皇帝詔曰帝王統御天下必先葦奠皇居壯萬國
之觀瞻履九重之禁衛規模大條振古如茲朕
自即位以來思物力之艱難罔敢過用軫民生
之疾苦不忍重勞暫改保和殿為位育宮已經
十載榘之典制建宮終不容已乃順治十年秋
卜吉鳩工今乾清坤寧等宮告成敕告

天地

社稷於順治十三年七月初六日臨御新宮懋圖治
理念臣民之勞瘁宜息詔之廣頌所有事款條
列於左

一文武職官除大計處分失陷城池緝盜不獲
罪犯越獄貪賍拖欠錢糧等罪不赦外其餘
議革議罪及戴罪住俸各官俱免議

一除革職降級休致回籍外地方人才果有才
行著聞及學分優長者著該督撫按覈實具
奏

一順治十三年七月初七日昧爽以前官吏軍

民人等除謀反叛逆子孫謀殺祖父母父母
內亂妻妾殺夫告夫奴婢殺家長殺一家非
死罪三人探生折割人謀殺故殺重傷魁
毒藥殺人強盜妖言十惡等真正死罪不赦
外滿洲進人富主干連人等官役受賍監守
自盜拖欠錢糧拖欠漕糧員役侵盜漕糧員
役亦不赦其餘死罪俱減一等軍罪以下大
計軍政虛分失陷地方城池貪賍拖欠漕糧
錢糧緝盜不獲罪犯越獄等罪亦俱不赦外
其餘無論已發覺未發覺已結正未結正咸

故除之有以救前事相告訐者不許審問即以其罪罪之

一直省報荒地如有隱漏田糧以熟作荒者許自出首盡行免罪其出首田畝即與當年起科以前隱匿錢糧並不追理如待他人發覺仍行治罪通違

一各省屯田荒地已行歸併有司即照二年起科事例廣行拓墾如有殷實人戶能開至二千畝以上者照遼陽拓民事例量為錄用
一武職官員除失陷地方縱兵搶掠軍政處分

大貪受賍外其餘見在議革議降議罰俱免
議有因公誥誤革職降級罰俸載罪住俸等
項各該衙門悉與奏聞寬宥

一滿洲兵丁各處征剿對陣傷損未給賞者照
例速給

一各地方人等有因叛逆干連原係無辜者該
督撫即與具題釋放

一各處依附土賊等衆如悔過擒拏賊首投誠
及率賊首率衆來降者槩宥前罪仍給與官
職以示鼓勵若係土賊投誠該督撫察願充

兵者准入營伍願為民者安插歸農務使得所

一有嘯聚山海擁眾不服者果能真心投誠盡赦前罪仍量加賞賜

一各處賊黨或為水旱所累或為貪酷官吏所逼情寔可憫但能改革前非自首者盡赦其罪

一除謀殺故殺外如原無仇隙一時情激相毆傷重致死者將兇犯免死決杖一百依律追銀四十兩給付被殺家屬

一應追贓私除會贓侵盜情重的不赦外其餘
寒果家產絕盡力不能完者縣典豁免毋得
株連親族

一罰贖積穀原以預備賑濟今歲水蝗為灾秋
冬之際恐民生艱困各巡按御史確察灾荒
地方除蠲免正糧外其流離無告者即動正
項贖賑濟不得令奸民冒領

一十二年以前各省牛角皮料等項果有未解
完者工部照例改折以紓民力

於戲定丕基於萬世益厘敬

天法

祖之心通寰宇為一家共濟物阜民安之盛布告中外咸使知聞

順治十三年七月

初七

日

冊封

皇后詔

奉

天承運

皇帝詔曰帝王臨御天下慶賞刑罰雖當並用然
吉祥茂集之時尤宜推恩肆赦敬迓

天庥朕遵

聖母皇太后俞旨恩佐宮闈之化爰慎賢淑之求於
本月初六日冊封內大臣鄂碩之女董氏為皇
后贊理得人羣情悅豫逢茲慶典恩赦特頒所

有事宜條列于左

一自順治十三年十二月初六日昧典以前凡
官吏兵民人等有犯除謀反叛逆子孫謀殺
祖父母父母內亂妻妾殺夫告夫奴婢殺家
長殺一家非死罪三人採生折割人壘毒斃
魁謀殺故殺毒藥殺人強盜妖言十惡等真
正死罪不赦外及貪官衙蠹受贓監守自盜
拖欠錢糧侵盜錢糧員役亦在不赦其餘死
罪俱減一等軍罪以下已發覺未發覺已結
正未結正成赦除之有以赦前事告訐者不

許審理即以其罪罪之

一今歲朝審候決重犯至一百三四十人無知
罪辟獨外生成深可憫惻其在京朝審過見
在候決囚犯俱減等發落

一各省司府州縣在監候決各犯亦准一體減
等發落

一文職官員除貪贓及大計處分失陷城池經
盜不獲罪犯越獄絕火漕糧錢糧違悞欵件
限期審事徇情等罪不赦外其餘見在議革
議降議罰及戴罪住俸各官各衙門奏明寬

省。

一武職官員除貪賍侵盜情重的赦_不外其餘
察果家產盡絕力不能完者該督撫察確題
請豁免不得株連親族

一武職官員除貪賍及軍政處分失陷地方縱
兵搶掠拖欠錢糧違悞欵件限期審鞫情
等罪不赦外其餘見在議革議降議罰及住
俸官各各銜門奏明寬宥

一各地方人等有因叛逆干連原係無辜者該
督撫接即與具題釋放

一嘯聚山海擁衆不服者果能真心來歸除赦
其前罪仍破格敘擢如其中有能擒斬叛首
反正投誠亦與不次擢用以示勸酬
一各處盜賊或為饑寒所累或為貪官所逼情
實可憫如能改過自首者准赦其罪

一各處依附土賊等衆如悔過擒拏賊首投誠
及賊首率衆來降者槩宥前罪以示鼓勵
於戲殊恩蕩蕩法宥過以施行嘉社綿綿衍貽
謀而昌後布告天下咸使聞知

順治十三年十二月

初六

日